

Kalendari i lutjes “Ngritja e kampionëve” MAJ 2019

1. Kampionët qëndrojnë kundra armikut dhe i ankorojnë lutjet e tyre në mirësinë e Zotit. “O Perëndi, sa e çmuar është mirësia jote! Prandaj bijtë e njerëzve gjejnë strehë nën hijen e krahëve të tu;” (Psalmi 36:7)

2. Në shekujt e hershëm, gratë e shthurura ishin të marginalizuara dhe në këtë mënyrë më pak të arritshme për burrat që nuk donin të frenonin orekset e tyre seksuale. Me teknologjinë moderne, pornografia e manipulon seksin për të na zënë në grackë në burrat. Kërkojini Zotit “t’ju mbajë larg gruas së keqe, nga lajkat e gjuhës të gruas së huaj.” (Fjalët e Urta 6:24)

3. Ndërsa dëshmojmë trazirat gjithnjë e në rritje në botën tonë, kombet dhe shtëpitë, ne mund të vëmë në dyshim sovranitetin e Perëndisë: “Si ka mundësi që ai lejon kaq shumë të këqija? Por, Bibla zbulon se ne jemi në një betejë shpirtërore. Duke u lutur hetoni Shkrimin dhe dëgjoni fjalët e Zotit për siguri ashtu siç bëri edhe profeti. (Habakuku 2:1).

4. Lutja është jetësore për të këmbëngulur para përndjekjes. Zoti Jezus profetizoi: “Kujdesuni për veten! Sepse ... do t’ju rrahin ndër sinagoga; ... dhe ungujllin do t’u predikohet më parë të gjithë popujve.” (Mark 13:9-10).”

5. Jeta jonë e lutjes motivohet nga nderimi për Zotin kombinuar me faktin që ne e dimë se ai përgjigjet në mënyra që ne nuk i kuptojmë. “O thellësi pasurie, urtësie dhe diturie të Perëndisë! Sa të pahulumtueshme janë gjykimet e tij dhe të pashtershme janë udhët e tij! (Rom. 11:33).

6. Në mënyrë që dashuria e një burri për gruan e tij të ketë ndikim të plotë, së pari ai duhet të dojë Zotin e tij me gjithë zemër, shpirt dhe mendje. Lutuni që Perëndia të tërheqë burrat në një marrëdhënie me të dhe si rezultat, në një marrëdhënie më të thellë me gratë e tyre. (Mat. 22:37)

7. Pali i inkurajoi Korintasit të ndiqnin shembullin e tij si ai kishte ndjekur shembullin e Krishtit. Lutuni për etërit që të jetojnë në mënyrë të tillë në mënyrë që të inkurajojnë bijtë e tyre të ndjkin shembullin e tyre të perëndishëm. (1 Kor. 11:1).

8. Qëndrimi në Krishtin është burimi i forcës për burrat që kanë gra të vështira. Lutuni që këta burra do ta lejojnë Krishtin t’i dojë ata dhe t’i aftësojë të nderojnë gratë e tyre. (Fjalët e Urta 27:15)

9. Disa burra e kanë bërë zakon të përgjigjen me zemërim ndaj situatave të vështira. Lutuni që ata do t’i besojnë Zotit në shqetësimet e tyre dhe do të zëvendësojnë rëndesën me durimin (Fjalët e Urta 15:18)

10. Shumë burrave dhe etërve me prindër të divorcuar u mungon siguria e të qenit të dashur dhe të vlerësuar. Ky boshllëk mund të sjellë fjalë të ashpra dhe jo të dashura kundrejt grave dhe fëmijëve të tyre. Lutuni që Zoti do t’u zbujë këtyre burrave sesa shumë i do. (Rom. 5:8)

11. Perëndia i flet gjithë njerëzimit përmes krijimit të tij. “Qiejtë tregojnë lavdinë e Perëndisë dhe kupa qiellore shpall veprën e duarve të tij. Një ditë i flet ditës tjetër dhe një natë ia tregon tjetrës. Nuk kanë gojë, as fjalë; zëri i tyre dëgjohet.” (Ps. 19:1-3).

12. Por harmonia e tyre përhapet mbi gjithë dheun dhe mesazhi i tyre arrin deri në skajin e botës; në qiejtë Perëndia ka vënë një çadër për diellin; dhe ai është si një dhëndër që del nga dhoma e tij e martesës; ngazëllon si një trim që përshkon rrugën e tij. Ai del nga një skaj i qiejve dhe rrotullimi e tij arrin deri në skajin tjetër; asgjë nuk mund t’i fshihet nxehtësisë së tij.” (Ps. 19:4-6)

13. Ligji i Zotit është i përsosur, ai e përtërin shpirtin; dëshmia e Zotit është e vërtetë dhe e bën të ditur njeriun e thjeshtë. Porositë e Zotit janë të drejta dhe e gëzojnë zemrën; urdhërimet e Zotit janë te pastra dhe ndriçojnë sytë. Frika e Zotit është e pastër, mbetet përjetë; gjykimet e Zotit janë të vërteta, të gjitha janë të drejta. (Ps. 19:7-9)

14. Janë më të dëshirueshme se ari, po, më tepër se shumë ari i kulluar; janë më të ëmbla se mjalti, nga ai që del nga hojet. Edhe shërbëtori yt mëson prej tyre; ke një shpërblim të madh duke i parë. (Ps. 19:10-11)

15. Kush i njeh gabimet e tij? Pastromë nga ato që nuk i shoh. Përveç kësaj ruaje shërbëtorin tënd nga mëkatet e vullnetit, dhe bëj që ato të mos më sundojnë mua; atëherë unë do të jem i ndershëm dhe i pastër nga shkelje të mëdha. (Ps. 19:12-13)

16. U miratofshin para teje fjalët e gojës sime dhe përsiatjet e zemrës sime, o Zot, kështjella ime dhe shpëtimtari im. (Ps. 19:14)

17. Kur mbreti David i tha birit të tij Solomonit që ai duhet të ndërtonte një tempull për Perëndinë, ai e siguroi Solomonin se Zoti do të ishte gjithmonë me të. Falemnderit Zotit që ai ka premtuar gjithashtu se ai do të jetë me ty për aq kohë sa edhe ti rri afër tij. (1 Kronikave. 28:20)

18. Shkencëtarët na tregojnë se galaktika konsiston në më shumë se 100 miliardë planete. Madhështore apo jo! Perëndia ynë – krijuesi i atyre planeteve, i galaktikës dhe i gjithë universit – është më shumë i fuqishëm se çdo qenie njerëzore mund ta imagjinojë. Lavdërojeni Atë dhe jepini lavdi për faktin që kujdeset shumë për ne! (Heb. 12:19)

19. Mbreti Solomon ishte burri më i urtë që ka jetuar dhe personi më i pasur i kohës së vet. Gjithësesi, pavarësisht të gjithë urtësisë dhe pasurisë, mbreti e dinte që kishte nevojë për Zotin. Jini mirënjohës që Perëndia, që kujdeset me aq dashuri për mbretin Solomon dhe atin e tij, mbretin David, kujdeset edhe për ju. (Ps. 5:12)

20. Tek Romakëve, kapitulli 1, ju mund të lexoni se çfarë u ndodh atyre që largohen nga Zoti. Vetë Zoti në një pikë të caktuar do t'i dorëzojë ata në dëshirat mëkatore të zemrave të tyre, tek papastërtitë e ndryshme. Lutuni që ju do të qëndroni gjithmonë afër Zotit dhe se Ai do t'ju përdorë për të sjellë njerëz të tjerë më afër Tij. (Veprat 20:24)

21. Mesazhi i Biblës është mesazhi i hirit dhe faljes së Perëndisë për të gjithë ata që e kërkojnë atë. Përmes vdekjes së Jezus Krishtit, ai shpengoi botën dhe i jep jetë të përjetshme të gjithë atyre që besojnë. Falenderoni Jezusin që ai është në qiell tani duke përgatitur një vend të veçantë për ju. (Gjoni 14:1-3)

22. Për shkak se natyra jonë e vjetër u kryqëzua me Krishtin (Rom.6:6), besimtarët janë thirrur të ecin në risinë e jetës dhe të bëhen pjesëtarë të natyrës së tij hyjnore (2 Pjetri 1:4). Lutuni që sot mendimet, fjalët dhe veprat tuaja të reflektojnë Krishtin që jeton në ju.

23. Për shkak se Krishti jeton tek besimtarët, ju keni mundësi që ta lejoni atë të përcaktojë zgjedhjet tuaja. Kjo bie në kundërshtim me tendencën tonë natyrore dhe kërkon përpjekje të vazhdueshme dhe të ndërgjegjshme nga ana jonë. Falemnderit Zotit që zelli juaj do të shpërblehet me bollëk. (2 Pjet. 1:10)

24. Bota i bombardon burrat me lloj lloj ofertash imorale. Por, ne jemi thirrur të demonstrojmë moral të shkëlqyer në besimin tonë. Lutuni që mendimet, fjalët dhe veprat tuaja të reflektojnë standartin e lartë moral si një ambasador i Jezus Krishtit. (2 Kor. 5:20).

25. Urtësia e perëndishme e zëvendëson njohurinë e kufizuar njerëzore. Në epokën e informacionit, njohuria është bërë sinonim me fuqinë – dhe burrat e duan fuqinë! Lutuni për dallim dhe kujtoni se frika e Zotit është fillimi i urtësisë së vërtetë. (Fjalët e Urta. 1:7)

26. Vetëkontrolli ka të bëjë me zotërimin e emocioneve dhe vullnetit. Burrat duan të jenë të lirë të përcaktojnë të ardhmen e tyre. Lutuni për atë lloj lirie në jetën tuaj që nderon Perëndinë dhe tregon frytet e Frymës së Shenjtë (Galatasve 5:22-23)

27. Kur ëndrrat e tua shkatërrohen dhe pritjet nuk realizohen është e vështirë të besosh se Zoti kujdeset. Pikërisht, kjo është koha kur ti je thirrur të këmbëngulësh. Në vend që t'i besosh ndjenjave të tua, konfirmo besimin tënd në karakterin dhe dashurinë e Zotit. (Heb. 10:35)

28. Burrave u pëlqen të ndihen të fortë dhe në formë fizike të mirë. Kjo është fantastike - nëse je i shëndetshëm dhe mund ta përballosh jetën. Por

kujtoni: edhe nëse jeni bekuar me shëndet dhe fizik të mirë, Zoti ka më shumë për ju. Lutuni për perëndishmëri, sepse ajo mban premtime për jetën e tashme dhe jetën që do të vijë. (1 Tim. 4:8)

29. Në një botë “me metoda të dhunshme” dhe konkruuese, burrat mund të kthehen në burra të sertë dhe të pashpirt. Lutuni për një zemër që është e ndjeshme ndaj frymës së Zotit dhe për një mënyrë të sjelluri që reflekton vëllazërinë e singertë dhe mirësinë me njerëzit rreth e rrotull tyre. (2 Pjet. 1:5-7)

30. Në përgjithësi burrat nuk janë të dhënë pas gjërave emocionale. Ata preferojnë të jenë logjikë dhe objektivë. Na duhet kohë të kuptojmë që vetë thelbi i qënies së Perëndisë është dashuria, emocioni më i madh nga të gjithë. Lutuni për një zemër dhe mendje që reflekton një karakter të perëndishëm dhe që të jenë të ndjeshëm ndaj dashurisë së vërtetë. (1 Korintasve 13)

31. Ndërsa ndarja midis njerëzve me ideologji të ndryshme ose pikëpamje politike sa vjen e zgjerohet dita ditës; ndërsa respekti për zyrtarët e zgjedhur dhe autoritetet sa vjen e zbehet në të gjitha nivelet e shoqërisë; ndërsa ata që këmbëngulin për moralin dhe të vërtetat absolute tallen; lutuni për vendosmëri dhe kapje fort pas Jezusit dhe Shkrimit. (2 Tim.3)